

**Uunga siunnersuut: Utoqqalinersiutit pillugit Inatsisartut inatsisaat nr. xx, xx xxx 2017-imeersup allanngortinnissaa pillugu Inatsisartut inatsisaat**

(Ilaqtariinnermut, Naligiissitaanermut, Isumaginninnermut Inatsisinillu atuutsitsinnermut Naalakkersuisoq)

**Saqqummiussissut**

(Ilaqtariinnermut, Naligiissitaanermut, Isumaginninnermut Inatsisinillu atuutsitsinnermut Naalakkersuisoq)

**Siullermeerneqarnera**

Utoqqalinersiaqarneq pillugu inatsit nutaaq ulloq 1. januar 2016 atuutilerpoq.

Inatsisartut inatsisaata atuutileraneranut atatillugu inatsimmi § 17. imm. 6-ip kalaallisuaa danskisoortaalu imminnut naapertuutinngitsut paasineqarpoq.

Inatsisip oqaasertaasa kalaallisuuata danskisuuatalu naapertuutinnginnerisa kingunerisaanik, utoqqalinersiallip ukiumut ataasiaq qanigisaanik ilisisoqartillugu peqataanissaanut angalanissamik qanoq akiliunneqarnissaanut paasinninnermut sunniuteqassaaq.

Utoqqalinersiutillit qanigisaannik ilisisoqarneranut peqataanissaanut ukiumut ataasiarluni akiliunneqarsinnaanissaminnut periarfissaqarnissaat inatsimmi siunertarinearpoq, isumalluutilli tunngavigalugit Kalaallit Nunaata iluani tamanna pisinnaalluni. § 17, imm. 6-imut kalaallisut danskisullu oqaaseqaatini erseqqissarneqarluni allassimavoq Nunatsinni angalaneq kisiat akilerneqarsinnaasoq.

Inatsisissatut siunnersuutip, inatsisip oqaasertaasa kalaallisuuata danskisuuatalu naapertuutsippaa.

Naalakkersuisut sinnerlugit kukkuneq manna ajuusaarutigaa, kisiannili innuttaasut inatsisitigut illersugaanerat eqqarsaatigalugit Naalakkersuisut inatsisissatut siunnersuutaat Inatsisartunit akuerineqassasoq Naalakkersuisunit neriuutigineqarpoq.

Taamatut oqaaseqarlunga siunnersuut Inatsisartunut oqallisigisassanngorlugu ingerlateqqippaa.